

令

國民政府令

十九年九月二十二日

國民政府委員行政院院長譚延闓德量醇深·謨猷弘遠·辛亥之役·建樹湘中·應援鄂渚·克奏光復之勛·嗣後討袁護法諸役·力持正義·大節凜然·洎乎壬戌癸亥之際·手挈湘軍·追隨總理·入襄至計·出奏請功·爲主義而效忠·固始終之不貳·國府成立以迄於今·定策決疑·夙夜匪懈·予以弘濟艱難·克定危亂·從容坐鎮·政績彌昭·方今大亂漸平·國賴耆碩·何圖訐謔未竟·痼疾難瘳·天不慙遺·民失師保·遽聞溘逝·震悼殊深·著由財政部撥發治喪費壹萬元·派宋子文鈕永建賀耀組魏道明呂荪籌陳融前往治喪·所有歸終典禮·務極優隆·以示政府崇報耆勳之至意·此令·

國民政府令

十九年九月二十二日

參謀本部參謀總長朱培德呈·請任命趙鳳林爲軍政部航空第四隊參謀·應照准·此令·

# 訓令

國民政府訓令 第五二二號 十九年九月二十二日

令財政部

爲令飭事。案據本府文官處簽呈。准參謀本部函請轉陳飭發出席國際軍縮會議委員黃慕松一員各項費用。共計美金一萬元。折合華幣約三萬八千元。以便屆期列席等由。准此。理合轉陳鑒核等情。據此。業經提出本府第九四次國務會議決議照辦在案。除由處函復并電黃委員知照屆期列席外。合亟令仰該部迅即遵照如數撥發爲要。此令。

計抄發公函一件檢發原預算表二紙

國民政府訓令 第五二二號 十九年九月二十二日

令直轄各機關

爲令遵事。本府委員行政院院長譚延闓。於本月二十二日午前九時五十五分鐘因病逝世。所有京內各機關應自是日起。京外各機關應自奉到電令之日起下半旗三日。並停止一切娛樂及議會。以誌哀悼。除分行外。合亟令仰遵照。並轉飭所屬一體遵照。此令。

國民政府訓令 第五二二號 十九年九月二十二日

首都衛戍司令部  
令首都警察廳  
南京市政府

爲令遵事。本府委員行政院院長譚延闓。於本月二十二日午前九時五十分鐘因病逝世。所有京內各機關應自是日起。京外各機關應自奉到電令之日起下半旗三日。並停止一切娛樂及議會。以誌哀悼。所有首都地方並應自是日起。除分行外。合亟令仰遵照辦理。此令。

國民政府訓令 第五二三號

十九年九月二十二日

令審計院

爲令行事。案據考計院呈稱。查本院爲全國銓衡經樞紐。欲求內部組織之健全。自以充實在職人員之學識爲首要。凡關古今中外一切應用圖書。應卽盡量搜羅。藉供研討。是設置圖書館實爲不可或緩之圖。計自職院籌備成立以來。時閱年餘。先後搜求中外書籍以及國內各地志乘並近時文獻。雖不無所得。究不足以言收藏。而此現有之書籍。日積月累。已非狹地所能容納。此後爲時愈久。擴充愈急。是就事實上而言。亦非圖建設圖書館不可。院員會銓敘部員數衆多。託地相同。應以精心學術爲共趨目的。則圖書館之成立。應爲院會部所共有。建設圖書館之經費。亦應由院會部共同負擔。方合事理。經將此旨商取會部意見。均屬相同。現定圖書館地址。卽就院右隙地建築。預算建築費約在四萬元以內。經已招商投標承建。此項經費。值茲庫儲空虛。不另請款應用。議定由院會部經費項下撥節湊集。由院擔任全額之半。其餘半數由會部平均負擔。並各遵照鈞府第四八九號各機關經費在十九年度預算案未核定前。照十八年度核定預算定額開支通令。雖增加此項建築經費。支出仍以恪守核定預算爲歸。以符通案。在院會部間經費。均非充裕。近復積欠未清。陡增負荷。尤覺竭蹶萬分。但以需要所關。亦不敢不勉期成斯舉也。除俟建築落成。另將開支款項專案呈報。並分送審計機關核銷外。所有職院急須設置圖書館建築經費。業已規定辦法開支。不另請款各緣由。理合呈請鈞府察核備案令遵等情。據此。除指令呈悉准予備案候令行審計院查照此令印發外。合行令仰該院卽便查照。此令。

國民政府訓令 第五二四號

十九年九月二十二日

令財政部

爲令遵事。頃據行政院報稱。譚院長延闈於本日上午九時因病逝世等情。合亟令仰該部卽即撥給治喪費壹萬元。交本府文官處具領轉發應用爲要。此令。

# 指令

國民政府指令 第一七三〇號 十九年九月二十二日

令參謀本部

呈准軍政部者春請任命航空第四隊少校參謀缺責呈履歷轉請鑒核令遵由

呈悉·趙鳳林一員·已有明令照准任命·并准敘爲少校·仰卽轉行遵照·此令·履歷存·

國民政府指令 第一七三一號 十九年九月二十二日

令行政院

呈據軍政部轉據第六預備醫院呈報該院被共匪搶劫損失食米及現金共洋一百一十

一元七角查屬實情轉呈核銷由

呈悉·准予核銷·此令·

國民政府指令 第一七三二號 十九年九月二十二日

令考試院

呈爲該院急須設置圖書館建築經費業已規定辦法支不另請款請督核備案令遵由

呈悉·准予備案·候令行審計院查照·此令·

# 國民政府法規彙編第五輯出版廣告

本輯內容所有十九年一月至二月份公布之各項法規無不依次完全載列極便檢閱

印刷精良  
定價低廉

## 價目表

- 第一輯 道林紙精裝……一元二角  
道林紙平裝……八角
- 第二輯 道林紙精裝……一元  
道林紙平裝……七角
- 第三輯 道林紙精裝……一元  
道林紙平裝……七角
- 第四輯 道林紙精裝……二元  
道林紙平裝……一元六角
- 第五輯 道林紙精裝……一元二角  
道林紙平裝……八角

(郵費國內在內國外另加)

國民政府文官處印鑄局公報發行所啟

## 國民政府公報價目表

期限	價目	郵費
零售	每冊三分	國內郵費在內國外及郵特區加費二分
定半年	三元六角	國內郵費在內國外及郵特區加費二元五角
定一年	七元二角	國內郵費在內國外及郵特區加費五元正

本公報凡星期日或紀念日及一切例假皆照例停刊

## 廣告刊例

頁數	價目
一頁	每八號 八元
半頁	每四號 四元
四分之一	每二號 二元

刊五號每號按照八折計算刊十號每號按照七折計算長期另議

公報發行所 國民政府印鑄局內  
公報發行分所 本京沐府西門四十五號

編輯者 國民政府文官處印鑄局

發行者 國民政府文官處印鑄局公報發行所

印刷者 國民政府文官處印鑄局印刷所

本所電話二二四〇一  
分所電話二二二七七  
本京沐府西門四十五號  
電話二二二七七